

BOSNA I HERCEGOVINA
FEDERACIJA BIH
ZENIČKO-DOBOJSKI KANTON
SKUPŠTINA
Stručna služba

Zenica, dana 15.03.2016.godine

OBAVIJEST SA 9. SJEDNICE KOMISIJE ZA NADZOR RADA POLICIJE

Komisija za nadzor rada policije Skupštine, kao stalno radno tijelo 7. saziva Skupštine, dana **15.03.2016. godine** održala je svoju **9.** sjednicu na kojoj je razmatrala sljedeći:

D NE V N I R E D

- 1. Izvještaj o radu Ureda za pritužbe javnosti za period 01.01-31.12.2015. godine,**
- 2. Razno**

Nakon razmatranja Izvještaja o radu Ureda za pritužbe javnosti za period 01.01-31.12.2015. godine, Komisija na isti nije imala primjedbi, pa predlaže Skupštini Kantona da navedeni Izvještaj prihvati.

U okviru ove tačke dnevnog reda, Komisija je uvažila određene prijedloge i sugestije predsjedavajućeg Ureda za pritužbe javnosti, koje se odnose na određene nedostatke i nedorečenosti važeće Uredbe o Uredu za pritužbe javnosti koje imaju negativan uticaj na sam rad istog Ureda, što će biti predmet narednih aktivnosti pomenute komisije.

Pod tačkom dnevnog reda „**Razno**“ članovi Komisije za nadzor rada policije su predložili pitanja koja će se razmatrati na narednoj sjednici komisije i to: Informacija o obavljenim posjetama policijskim upravama MUP-a Zeničko-dobojskog kantona i razmatranje Prijedloga Zakona o izmjenama Zakona o javnom redu i miru – skraćeni postupak. Takođe su dogovorene i određene druge aktivnosti navedene komisije u narednom periodu, kao što su: donošenje Programa rada Komisije za nadzor rada policije za 2016. godinu, održavanje tematske sjednice komisije u vezi poboljšanja stanja u oblasti unutrašnjih poslova, (što bi uključivalo i predlaganje izmjena određenih zakona iz ove oblasti) i održavanje radnog sastanka komisije sa predstavnicima sindikata Ministarstva unutrašnjih poslova Zeničko-dobojskog kantona.

STRUČNA SLUŽBA SKUPŠTINE ZDK